

**JAVNA USTANOVA
«DOM ZDRAVLJA »
ZAVIDOVIĆI
-UPRAVNI ODBOR-**

Broj:01-1.05-1096/23

Datum:22.3.2023. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14 i 59/22), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 46. sjednici održanoj dana 22.03.2023. godine, donosi

O D L U K U

o poništenju postupka javne nabavke

Član 1.

PONIŠTAVA se postupak javne nabavke broj: **01-2.12-260/23 I 01-2.12-672/23** za nabavku **sredstava za dezinfekciju –LOT 2 – DEZINFICIJENSI ZA RADNE POVRŠINE** za JU «Dom zdravlja» Zavidovići za 12 mjeseci, iz razloga što nijedna od primljenih ponuda nije prihvatljiva.

Član 2.

Ova odluka stupa na snagu danom donošenja.

Obrazloženje

Obavještenjem o nabavci br. **638-7-1-49-3-35/23 i 638-7-1-49-8-37/23** koje je objavljeno na portalu javnih nabavki dana **21.02.2023. godine i 28.02.2023. godine** i u „Službenom glasniku BiH“, broj: **12 od 24.02.2023. godine i br.14 od 03.03.2023. godine**, pokrenut je konkurentski zahtjev za dostavljanje ponuda za nabavku **SREDSTAVA ZA DEZINFEKCIJU –LOT 2 – DEZINFICIJENSI ZA RADNE POVRŠINE** za JU „Dom zdravlja“ Zavidovići za period od 12 mjeseci.

Nakon objave obavještenja o nabavci, tendersku dokumentaciju za predmetnu nabavku, sa portala javnih nabavki preuzelo je 27 ponuđača i to: BROMA BEL D.O.O. BANJA LUKA, EKAPIJA DOO,DESINFECTA D.O.O.,BOSNALIJEK D.D., PHOENIX PHARMA D.O.O.,TEH D.O.O., PROIZVODNJ AI TRGOVINA “PHARMAMED” D.O.O. TRAVNIK,ECOTIME D.O.O.SARAJEVO, INEL MEDICINSKA TEHNIKA D.O.O.,TRG BARCELONE 6,71000SARAJEVO, ALPER GROUP DRUŠTVO ZA PROIZVODNJU, TRGOVINU I USLUGE D.O.O. SARAJEVO, BBS EUROPE, INCARE D.O.O., AERO EXCLUSIVE D.O.O.,DEFTER D.O.O. SARAJEVO, "TUZLA-FARM" D.O.O. TUZLA,ITR D.O.O., SPEKTROLAB D.O.O., BM LOGISTIC D.O.O.,HAS GROUP D.O.O., OKTAL PHARAMAD.O.O. SARAJEVO, V GROUP PALIS, UNIFARM

D.O.O., SEMIKEM D.O.O. SARAJEVO, DERBY TRADE D.O.O., INTER-COM D.O.O. ZENICA,
KRAJINAGROUP D.O.O. BANJA LUKA I EKO-TIM D.O.O. SARAJEVO.

Izmjene i dopune tenderske dokumentacije, broj: 01-2.12-672/23 od 28.02.2023. godine, sa portala javnih nabavki preuzelo je 7 ponuđača i to: PHOENIX PHARMA D.O.O., DEFTER D.O.O. SARAJEVO, BOSNALIJEK D.D., EKAPIJA DOO, KRAJINAGROUP D.O.O. BANJA LUKA, DERBY TRADE D.O.O i V GROUP PALIS.

Na adresu JU "Dom zdravlja" Zavidovići, za LOT 2 – DEZINFICIJENSI ZA RADNE POVRŠINE dostavljene su dvije ponude i to: PHOENIX PHARMA D.O.O. BIJELJINA i DERBY TRADE D.O.O. BRČKO .

Komisija za javne nabavke (u daljem tekstu: Komisija) izvršila je otvaranje ponuda dana 06.03.2023.godine u Sali za sastanke u JU «Dom zdravlja» Zavidovići u 15,05 sati, kao što je naznačeno u tenderskoj dokumentaciji.

Nakon pregleda dostavljenih ponuda, utvrđeno je da dostavljene ponude nisu prihvatljive.

Ponuda ponuđača PHOENIX PHARMA D.O.O. BIJELJINA , ocijenjena je kao neprihvatljiva iz sljedećih razloga:

U tenderskoj dokumentaciji u konkurentskom zahtjevu za dostavu ponuda za nabavku sredstava za dezinfekciju br. **01-2.12-260/23 i br.01-2.12-672/23 u tački 1.PREDMET NABAVKE** u podtački 1.3. VRSTA, KOLIČINA, OPIS I SPECIFIKACIJA ISPORUKE (LOT 2): , u tabeli 1. za LOT 2, tražene su sljedeće stavke:

Tabela 1 za LOT 2:

Rbr	Opis roba - opis lota	JM	Količina
1	2	3	4
1	Tečno sredstvo za dezinfekciju Asepsol 5% a 1l ili ekvivalent koji podrazumijeva Tečno sredstvo za dezinfekciju aktivne komponente u 100 ml. BENZIL-C12-18 ALKIDIMETIL HLORID -	lit	500
2	Sredstvo za dezinfekciju površina i dezodoraciju prostora Bakticid a 1l ili ekvivalent koji podrazumijeva Sredstvo za dezinfekciju površina i dezodoraciju prostora aktivne komponente u 100 gr ETANOL 96 % SOL.-40 g.IZOPROPANOL -30 g.	lit	200

Dalje ispod Tabele 1. za LOT 2 u podtački 1.3. propisano je sljedeće:

„Ekvivalent podrazumijeva da ponuđene robe moraju imati sve karakteristike tražene i navedene u koloni 2. Opis roba-opis lota, naprijed navedenih u Tabeli 1. za LOT 2 u tački 1.PREDMET NABAVKE, što je ponuđač dužan dokazati odgovarajućom dokumentacijom (generički sastav ponuđene robe kao što su katalogi, specifikacije

proizvođača i druga dokumentacija iz koje se mogu utvrditi tražene karakteristike robe). Ukoliko ponuđač ne dokaže da ponuđena roba ima sve karakteristike koje su navedene i tražene u koloni 2. Opis roba, predmeta ove nabavke, njegova ponuda će biti odbačena kao neprihvatljiva.

Na dokumentaciji koja dokazuje generički sastav ponuđenog ekvivalenta ponuđač je dužan obilježiti broj i navesti naziv artikla koji odgovara broju artikla iz Tabele 1. ZA lot 2 u tački 1. PREDMET NABAVKE, podtačka 1.4. - VRSTA, KOLIČINA, OPIS I SPECIFIKACIJA ISPORUKE (LOT 2): ove tenderske dokumentacije.

Ponuđač je obavezan dostaviti dokumentaciju iz koje se mogu utvrditi tražene karakteristike (sastav) sredstava za dezinfekciju za sve ostale artikle u LOT-u, a ne samo za ekvivalentne proizvode. Dokumentacija mora biti na jednom od službenih jezika u BIH.

Ukoliko ponuđač ne dostavi dokumentaciju iz koje se može utvrditi sastav ponuđenih sredstava za dezinfekciju ili ukoliko se iz dostavljene dokumentacije ne bude mogao utvrditi sastav ponuđenih sredstava za dezinfekciju ugovorni organ će takvu ponudu smatrati neprihvatljivom, te će se sa istom u daljem postupku javne nabavke postupiti u skladu sa Zakonom o javnim nabavkama.“

Uvidom u ponudu ponuđača **PHOENIX PHARMA D.O.O. BIJELJINA** utvrđeno je da je ponuđač za stavku 1. Tečno sredstvo za dezinfekciju Asepsol 5% a 1l , ponudio ekvivalent odnosno Benzal 5.

Komisija za javne nabavke je detaljno pregledala dostavljenu dokumentaciju i nije mogla utvrditi da ponuđeno dezinfekciono sredstvo Benzal 5 ima sve karakteristike tražene i navedene u koloni 2. Opis roba-opis lota, naprijed navedenih u Tabeli 1. za LOT 2 u tački 1.PREDMET NABAVKE , podtačka 1.3. - VRSTA, KOLIČINA, OPIS I SPECIFIKACIJA ISPORUKE (LOT 2).

Naime za stavku 1. kada se nudi **ekvivalent ponuđač je morao dokazati da ponuđeni ekvivalent** podrazumijeva Tečno sredstvo za dezinfekciju aktivne komponente u 100 ml. BENZIL-C12-18 ALKIDIMETIL HLORID .

Iz dokumentacije se moglo utvrditi da ponuđeni ekvivalent u 100 grama nerazrijeđenog rastvora sadrži 5 g benzalkonijum hlorida.

Dalje , uvidom u Rješenje Ministarstva zdravlja i socijalne RS zaštite br.11/07-510.2-89-1/21 od 09.11.2021. godine o upisu biocidnog proizvoda –BENZAL 5, može se utvrditi da u tački 1. dispozitiva,između ostalog, stoji:

„Aktivni sastojak sadržan u biocidnom proizvodu:

Kvartenerna amonijum –jedinjenja ,benzil –C12-16-alkildimetil, hloridi“.

Iz dostavljene dokumentacije može se utvrditi da ponuđeno dezinfekciono sredstvo ima aktivni sastojak sadržan u biocidnom proizvodu, **benzil –C12-16-alkildimetil, hloridi**, umjesto, BENZIL-C12-18 ALKIDIMETIL HLORID aktivne komponente u 100 ml.

Osim navedenog , u podtački 4.1. tenderske dokumentacije (Ponuda mora sadržavati najmanje:) pod tačkom d) traženo je slijedeće:

d) Obrazac za cijenu ponude -DODATAK PONUDI (RAZLIKE U NAZIVU I PAKOVANJU)-ako postoje razlike u ponuđenim pakovanjima.

U Obrascu za cijenu ponude-robe-LOT 2 -ANEKS 3 -Prilog IV u tački 8. propisano je sljedeće:

“ U slučaju da odstupa od navedenih atributa artikala(naziv,pakovanje,JM) traženih u tenderskoj dokumentaciji (anex 3), ponuđač je dužan da u posebnoj tabeli u prilogu anexa 3 - DODATAK PONUDI (RAZLIKE U NAZIVU I PAKOVANJU) navede artikal (naziv,pakovanje,JM, te ostale podatke predviđene u prilogu anexa 3) koji nudi, poštujući pri tome redoslijed artikala iz anexa 3.

U navedenom slučaju ponuđač je dužan popuniti i ponuđeni aneks 3 kao i prilog anexa 3.“

Uvidom u ponudu ponuđača PHOENIX PHARMA D.O.O. BIJELJINA utvrđeno je da je ponuđač odstupio od navedenih atributa artikala (naziv-Benzal 5), ali da u svojoj ponudi nije dostavio obavezni dokument Obrazac za cijenu ponude -DODATAK PONUDI (RAZLIKE U NAZIVU I PAKOVANJU)-ako postoje razlike u ponuđenim pakovanjima, što je bio prilog V tenderske dokumentacije “ OBRAZAC ZA CIJENU PONUDE za LOT 2 - DODATAK PONUDI (RAZLIKE U NAZIVU I PAKOVANJU)“.

Na osnovu dostavljene dokumentacije , utvrđeno je da ponuđač PHOENIX PHARMA D.O.O. BIJELJINA nije dokazao da ponuđena roba, odnosno ekvivalent za **stavku 1.** Benzal 5 , ima sve karakteristike (sastav) koje su navedene i tražene u koloni 2. Opis roba u dijelu 1. PREDMET NABAVKE u podtački 1.3.tenderske dokumentacije za LOT 2., predmeta ove nabavke, stoga se ponuda ovog ponuđača odbacuje kao neprihvatljiva.

Također je utvrđeno da ponuđač nije dostavio svu traženu dokumentaciju (Obrazac za cijenu ponude -DODATAK PONUDI (RAZLIKE U NAZIVU I PAKOVANJU)-ako postoje razlike u ponuđenim pakovanjima), a u tenderskoj dokumentaciji u podtački 2.3. propisano je :

„U slučaju da se u ponudi uopšte ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.“

U skladu sa iznesenim, **ponuda ponuđača PHOENIX PHARMA D.O.O. BIJELJINA, odbačena je shodno članu 68. stav 1. i stav 4. tačka i), jer je dostavio nepotpune dokaze, te jer ponuda nije potpuna i ne ispunjava zahtjeve iz tenderske dokumentacije.**

Ponuda ponuđača DERBY TRADE D.O.O. BRČKO, ocijenjena je kao neprihvatljiva iz sljedećih razloga:

U tenderskoj dokumentaciji u konkurentskom zahtjevu za dostavu ponuda za nabavku sredstava za dezinfekciju br. **01-2.12-260/23 i br.01-2.12-672/23 u tački 1.PREDMET NABAVKE** u podtački 1.3. VRSTA, KOLIČINA, OPIS I SPECIFIKACIJA ISPORUKE (LOT 2): , u tabeli 1. za LOT 2, tražene su sljedeće stavke:

Tabela 1 za LOT 2:

Rbr	Opis roba - opis lota	JM	Količina
1	2	3	4
1	Tečno sredstvo za dezinfekciju Asepsol 5% a 1l ili ekvivalent koji podrazumijeva Tečno sredstvo za dezinfekciju aktivne komponente u 100 ml. BENZIL-C12-18 ALKIDIMETIL HLORID -	lit	500
2	Sredstvo za dezinfekciju površina i dezodoraciju prostora Bakticid a 1l ili ekvivalent koji podrazumijeva Sredstvo za dezinfekciju površina i dezodoraciju prostora aktivne komponente u 100 gr ETANOL 96 % SOL.-40 g,IZOPROPANOL -30 g.	lit	200

Dalje ispod Tabele 1. za LOT 2 u podtački 1.3. propisano je slijedeće:

„Ekvivalent podrazumijeva da ponudene robe moraju imati sve karakteristike tražene i navedene u koloni 2. Opis roba-opis lota, naprijed navedenih u Tabeli 1. za LOT 2 u tački 1.PREDMET NABAVKE, što je ponuđač dužan dokazati odgovarajućom dokumentacijom (generički sastav ponudene robe kao što su katalogi, specifikacije proizvođača i druga dokumentacija iz koje se mogu utvrditi tražene karakteristike robe). Ukoliko ponuđač ne dokaže da ponudena roba ima sve karakteristike koje su navedene i tražene u koloni 2. Opis roba, predmeta ove nabavke, njegova ponuda će biti odbačena kao neprihvatljiva.

Na dokumentaciji koja dokazuje generički sastav ponudjenog ekvivalenta ponuđač je dužan obilježiti broj i navesti naziv artikla koji odgovara broju artikla iz Tabele 1. ZA lot 2 u tački 1. PREDMET NABAVKE, podtačka 1.4. - VRSTA, KOLIČINA, OPIS I SPECIFIKACIJA ISPORUKE (LOT 2): ove tenderske dokumentacije.

Ponuđač je obavezan dostaviti dokumentaciju iz koje se mogu utvrditi tražene karakteristike (sastav) sredstava za dezinfekciju za sve ostale artikle u LOT-u, a ne samo za ekvivalentne proizvode. Dokumentacija mora biti na jednom od službenih jezika u BIH.

Ukoliko ponuđač ne dostavi dokumentaciju iz koje se može utvrditi sastav ponuđenih sredstava za dezinfekciju ili ukoliko se iz dostavljene dokumentacije ne bude mogao utvrditi sastav ponuđenih sredstava za dezinfekciju ugovorni organ će takvu ponudu smatrati neprihvatljivom, te će se sa istom u daljem postupku javne nabavke postupiti u skladu sa Zakonom o javnim nabavkama.“

Uvidom u ponudu ponuđača DERBY TRADE D.O.O. Brčko utvrđeno je da je ponuđač za stavku 2. Sredstvo za dezinfekciju površina i dezodoraciju prostora Bakticid a 1l ili ekvivalent koji podrazumijeva Sredstvo za dezinfekciju površina i dezodoraciju prostora aktivne komponente u 100 gr ETANOL 96 % SOL.-40 g,IZOPROPANOL -30 g. , ponudio ekvivalent odnosno Deziall F.

Komisija za javne nabavke je detaljno pregledala dostavljenu dokumentaciju i nije mogla utvrditi da ponudeno dezinfekciono sredstvo Deziall F ima sve karakteristike tražene i

navedene u koloni 2. Opis roba-opis lota, naprijed navedenih u Tabeli 1. za LOT 2 u tački 1. PREDMET NABAVKE, podtačka 1.3. - VRSTA, KOLIČINA, OPIS I SPECIFIKACIJA ISPORUKE (LOT 2).

Naime za stavku 2. kada se nudi ekvivalent ponuđač je morao dokazati da ponuđeni ekvivalent podrazumijeva Sredstvo za dezinfekciju površina i dezodoraciju prostora aktivne komponente u 100 gr ETANOL 96 % SOL.-40 g, IZOPROPANOL -30 g.

Iz dokumentacije se moglo utvrditi da ponuđeni ekvivalent u 100 grama rastvora sadrži :

- etanol (cas br. 64-17-5)- 72,5 %
- biphenyl-2-ol (cas br. 90-43-7) -0,2 %
- Kvarternarna amonijum –jedinjenja ,
- benzil –C12-18-alkildimetil,
- hloridi (cas. Br.68391-01-5)-0,2 %.

Iz dostavljene dokumentacije može se utvrditi da ponuđeno dezinfekciono sredstvo ima aktivni etanol **72,5 % umjesto 96 %, te da ne sadrži IZOPROPANOL -30 g.**

Na osnovu dostavljene dokumentacije, utvrđeno je da ponuđač Derby trade d.o.o. Brčko nije dokazao da ponuđena roba, odnosno ekvivalent za stavku 2. Bakticid a 11, ima sve karakteristike (sastav) koje su navedene i tražene u koloni 2. Opis roba u dijelu 1. PREDMET NABAVKE u podtački 1.3. tenderske dokumentacije za LOT 2., predmeta ove nabavke, stoga se ponuda ovog ponuđača odbacuje kao neprihvatljiva.

U skladu sa iznesenim, **ponuda ponuđača DERBY TRADE D.O.O. BRČKO, odbačena je shodno članu 68. stav 1. i stav 4. tačka i), jer je dostavio nepotpune dokaze, te jer ponuda nije potpuna i ne ispunjava zahtjeve iz tenderske dokumentacije.**

Kako su obe dostavljene ponude u ovom postupku nabavke neprihvatljive, Komisija za javne nabavke predložila je da se poništi postupak javne nabavke **SREDSTAVA ZA DEZINFEKCIJU –LOT 2 – DEZINFICIJENSI ZA RADNE POVRŠINE** za JU „Dom zdravlja“ Zavidovići, u skladu sa članom 69. stav (2) tačka d) Zakona o javnim nabavkama, obzirom da nijedna od primljenih ponuda nije prihvatljiva.

Obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

DOSTAVLJENO:

1. Derby trade d.o.o. Brčko
2. Phoenix pharma d.o.o. Bijeljina
3. a/a.

**PREDSJEDNIK
UPRAVNOG ODBORA:**
Mehić Elvir, dipl. pravnik

